

孚惠全書

平惠全書卷十一

差役蠲緩三

乾隆三十九年正月初二日奉

上諭川省自近年用兵以來所有軍行經過地方  
一切停頓供億節經動撥帑金官為辦理絲毫不  
累民間惟念糧儲軍餉齎送遠行不能不稍資民  
力節年降旨加恩將應徵錢糧分別蠲緩昨歲夏  
秋派調京兵及吉林黑龍江等處各兵赴川應用  
又經降旨將經過地方之三十九年額徵錢糧均  
再緩至次年帶徵並切諭該督等留心董察毋許  
解差官吏藉端侵派滋擾俾小民均霽實惠該處  
黎民屢沐恩膏益知踊躍奉公深可嘉尚茲當小

金川境壤全行收復刻期乘勝迅勒金川一切糧  
運軍儲不無尚資艱負允宜特加優獎更沛膏  
著該督等查明川省各屬辦差繁簡於乾隆四十  
年分應徵錢糧內的量緩徵多寡分數具奏到日  
候朕降旨加恩至官兵經過地方番民有認納夷  
賦銀米貢馬者俱著一體緩徵用昭格外軫恤俾  
閭閻趨事益得寬舒該督等其實心妥協辦理以  
副朕嘉惠勞民有加無已至意該部即遵諭行

御製命緩徵川省過兵各州縣明年錢糧詩以誌  
事甲

緩徵去歲逮今年

川省自用兵以來雖停期供億  
絲毫不用累民而饒送軍儲不

能不稍資民力已節次降旨將  
癸巳甲午等年額賦分別蠲緩  
佈澤新正無可蠲

賦稅豫赦寬乙未茲以小金川全境收復來勝之

力因諭該督查明解送州縣發辦將兵戈速頒洗

乙未年應徵錢糧酌量分數緩徵

金川王師討逆不得已民莫思報為去計全一體

夷祖並加惠軍務經行之處番民有認納長裁咨

方伯善勸宣

九月二十五日奉

上諭川省自征勦金川用兵以來一切供頓俱係

動撥帑金至運送軍糧需用夫役亦俱給以安家

口糧等項而跋涉負載究不免稍資民力該處羣

黎咸知踴躍奉公深可嘉尚是以疊次加恩將乾

隆四十年以前該省應徵錢糧分別緩帶今大功

指日告成官軍正當乘勝策入之際糧運軍儲加

緊遭逢所需夫役倍多朕心深為軫念所有川省  
節年已經緩徵錢糧此時雖暫緩催科將來仍須  
如數完納民力不無拮据允宜更沛渥恩用昭優  
恤著該督等即將川省辦差出夫各屬乾隆三十  
九年以前已緩錢糧內仍分別差務繁簡寡寡或  
應全行蠲免或量予蠲免一半及酌減十分之幾  
速行妥議覆奏候朕降旨加恩俾閭閻勤於趨事  
生計並得寬舒其番民有認納夷賦銀米貢馬者  
均著一體查明辦理以副朕加惠勞民有加無已  
至意其四十年分緩徵錢糧統俟大功奏捷時候  
朕另降恩旨該部遵諭速行

十一月初七日奉

上諭前因川省大功告成在即官軍正當乘勝不  
入得儲尤宜加緊運所需夫役倍多雖疊次加  
恩已將乾隆四十年以前應徵錢糧分別緩帶完  
條暫緩催科將來仍須如數完納民力不無拮据  
朕心深為軫念特諭該督等查明應行的免分數  
妥速覆奏候朕加恩今據富勒渾文綬等將過兵  
地方及未經辦差之九十廳州縣節年出入運糧  
俱踴躍急公分別酌免分數覆奏此等急公奉上  
之民甚屬可嘉著加恩將成都等二十三州縣已  
緩三十八年錢糧全行蠲免其三十九年錢糧酌  
免十分之五簡州等二十三廳州縣三十七年蠲  
剩緩徵錢糧全行蠲免其已緩三十八九兩年錢

糧各蠲免十分之五天全蘆山茂州松潘四廳州縣已蠲三十八年錢糧酌免十分之五溫江等五十六廳州縣三十七年蠲剩緩徵錢糧全行蠲免其三十九年錢糧酌免十分之五大寧等三十四廳州縣三十七年錢糧蠲剩十分之三考全行蠲免蠲免十分之五十分之七者再免三分並將三十九年錢糧再免十分之三俾閭閻生計益得寬舒仍俟大功奏捷時另著渥恩以副朕加惠勞民有加無已至意該部遵諭速行

十二月十六日奉

上諭川省自辦理軍務以來各土司夷民急公踴躍甚屬可嘉業經疊沛渥恩分別蠲緩今大功告

日告成該上司等益加奮勉出力允宜再沛恩膏  
用昭優卹著加恩將明正董卜二上司乾隆三十  
八年緩徵夷賦及三十七八年緩徵貢馬全行  
蠲免並將三十九年緩徵夷賦貢馬各蠲免十分  
之五雜谷廳保縣茂州緩徵三十八年夷賦全行  
蠲免並將三十九年緩徵夷賦酌免十分之五龍  
安敘州寧遠所屬之雷波越嶲二廳石泉西昌鹽  
源冕寧四縣及會理州緩徵三十七年夷賦酌免  
十分之三並將三十九年夷賦再免十分之三松  
潘漳臘平番南坪疊溪三十九年夷賦酌免十分  
之五龍安建昌會川會鹽寧越越嶲靖遠永定等  
標營及九姓上司三十九年夷賦貢馬酌免十分

之三其綿斯甲布革布什咱及巴塘土司四十年  
分應納貢馬並著蠲免一次該督其董率所屬實  
力經理務俾邊夷均霑實惠副朕優厚番民至意  
該部遵諭速行

乾隆四十一年二月十三日奉

上諭年來征勦金川軍糧等項皆官為辦給而員  
任運供不免稍資民力川省百姓踴躍急公甚屬  
可嘉業已疊次加恩將乾隆四十年以前應徵錢  
糧特令該督等查明分數分別酌免茲金川全境  
蕩平逆酋兄弟及助惡頭人悉就擒獲紅旗報捷  
大功告厥用是廣沛恩施以昭優恤著該督文綬  
將川省節年應徵緩帶錢糧查明承辦運務地方

就其出力輕重差務繁簡分別妥酌或全行蠲免或量其分數蠲緩之處詳細核定計將軍何桂北時尚未起程並著會同查辦迅速奏聞候朕特溥渥恩用副嘉惠勞民至意

三月二十日奉

上諭通年征勦金川一切需用糧運等項節次發帑不下七千餘萬官為辦給不欲絲毫累及閭閻而負任運供不無稍資民力業已疊次加恩將乾隆四十年以前應徵錢糧分別蠲免茲聞金川全境蕩平大勦克集念川省百姓踴躍急公甚屬可嘉自宜廣沛渥恩以昭優卹特令該督文綬會同將軍阿桂查明奏聞茲據分晰差務繁簡覆奏著

加恩將成都華陽新都漢州郫縣灌縣德陽綿州梓潼劍州昭化廣元汶川保縣雜谷廳雙流新津邛州名山雅安榮經清溪打箭鑪二十三廳州縣乾隆四十年分緩徵錢糧全行蠲免金堂簡州資州資陽內江隆昌瀘州納谿敘永廳永寧中江三臺蓬溪射洪渠縣南充大竹十七廳州縣所有四十年分全緩錢糧蠲免十分之七其茂州松潘廳江北廳巴縣永川榮昌璧山樂山犍為宜賓眉州奉節雲陽萬縣巫山梁山廬山天全州十八廳州縣四十年分前經酌緩十分之七錢糧一併蠲免溫江新繁彭縣什邡崇寧崇慶州蓬州長壽墊江南溪富順長寧蒲江大邑安縣綿竹仁壽井研廣

安州岳池安岳榮縣遂寧二十三州縣所有四十年分已經酌緩十分之七錢糧內蠲免十分之五其西充營山儀龍隣水江津養江南川合州涪州銅梁大足定遠忠州鄰都鹽亭樂至丹棱彭山青神茂眉洪雅夾江威遠合江江安二十五州縣四十年分前經酌緩十分之五錢糧全行蠲免間中蒼溪南部巴州通江南江馬邊廳慶符高縣筠連珙縣興文屏山雷波廳酉陽州秀山黔江彭水開縣大寧石碕廳達州東鄉太平新寧平武江油石泉彰明西昌冕寧鹽源會理州越嶲廳三十四廳州縣四十年分前經酌緩十分之五錢糧內蠲免十分之三其各營縣畱民認納銀米前已降旨緩

徵著並將該年夷賦一體按照分數蠲免俾民盡  
均得普霑膏惠用示慶洽式成嘉獎勞民至意該  
部即遵諭行

乾隆四十八年五月初七日奉

上諭據李世傑奏豫省堵築青龍崗漫工及築隄  
濬渠歷次的增夫料價直銀九百四十五萬三千  
九百餘兩請分作三十年攤徵以紓民力一摺豫  
省自辦理大工以來歷次部撥及動用司庫銀千  
餘萬兩無非為百姓保護田廬輯寧家室所有採  
辦料物雇募人夫俱於例價之外寬裕給直俾小  
民踴躍趨事以期迅速歲工其例價外的酌增銀兩  
自應分年均攤帶徵還款在百姓等依項輸將亦

屬分內之事但此次為數甚多而上次漫工案內  
又尚有未完銀九十餘萬而若按年帶徵民力未  
免拮据朕自御極以來勤恤民隱覃敷恤澤普免  
天下地丁錢糧者三次普免各省漕糧者二次不  
惜萬萬帑金俾閭閻共臻康阜又何靳此千餘萬  
庫項而令小民每年於正賦之外多此微輸耶况  
現在仰荷

上天孚佑夫工告歲自應廣澤推仁與斯民咸慶  
盈寧之福所有此次該撫等所請分年攤徵銀九  
百四十五萬三千九百二十餘兩以及上次攤徵  
未完銀九十四萬五千餘兩俱著加恩豁免以仰  
答

吳蒼嘉賧並示朕愛惠黎元為民藏富至意該撫  
其通行曉諭茅簷部屋成使聞知均霑實惠毋任  
不肖官吏從中滋弊該部即遵諭速行

御製降旨蠲免豫工分年帶徵增價銀兩詩以誌

事  
卯冬

幾番河決總予愆增價徐還例合然豫省青龍崗  
築木成不得已改絃更張於爾陽至商邱添築大  
堤間批引渠長一百七十里計歷次酌增丈料價  
直銀九百四十五萬餘兩戊戌成儀封漫工案內尚  
有攤徵木完銀九十餘萬兩候巡撫李世傑奏請  
分作三十年攤徵因思該省漫工歷次部撥及動  
用司庫銀千餘萬兩無非為百姓保衛田廬所有  
採料募夫俱於創備外加恩增價其酌增銀兩自  
應分年帶徵還款但念為數太多且三十年之久  
仍徵舊欠於心實有未忍况朕自御極以來不特  
萬萬兩帑金普免天下地丁錢糧三次各看漕糧  
二次今仰荷上天孚佑大工告成自應廣澤  
推仁與斯民咸慶盛寧之福所有此次攤徵增價

又戊戌辦米完銀共一千四十萬兩加恩全行  
豁免以仰答 聖慈嘉惠 聖示歲富於民至意  
仍飭該撫通行曉諭俾茅屋 那思卅年仍青情莫  
節屋成共聞如普需實惠 如千萬與全額庶幾元氣窮民復速令新恩僻壤  
宣祇祝茲歸故道後金健永固獲農田

十九日奉

上諭豫省堵築青龍崗漫工及築堤濬渠酌增夫  
料價直銀九百四十餘萬兩前據李世傑奏應行  
攤徵業經加恩普行豁免因思南岸開挑新河考  
城商邱以下係山東曹縣地方由東省承挑亦必  
有酌增銀兩特降旨詢問明興令其據實具奏茲  
據該撫查明東省挑河例價外的增夫工銀一十  
六萬七百八十餘兩又稀淤灘土增給雇直雨水

停工酌增飯食及搭棚岸水等項銀六萬兩有零  
俱應按故攤徵等語豫省加價銀兩既已普行蠲  
免東省事同一例所有的增各項銀二十二萬餘  
兩零著加恩一體寬免俾民力益臻鏡裕該撫其  
遍行曉諭閭閻咸使聞知普霑膏惠毋任不肖官  
吏從中滋弊該部遵諭速行

御製降旨蠲免齊工帶徵增價銀兩詩以誌事

癸卯

南岸引河既另開東為委輸

去聲

自西來豫誠加直

有其矣齊豈帶徵無是哉

前經降旨將豫省堵築漫上的增丈料價直銀

九百四十餘萬兩加恩普行豁免因思南岸間挑新河考成商邱以下係曹縣地方由東省承批亦

必有酌增銀兩特降旨詢工短價原斯則信予傷問明與令其據實具奏

民隱亦應培

據民興費奏東省批河例備外酌增夫工銀一十六萬七百餘兩又疏淤

湖上增給雇直飯食等項銀六萬兩零俱請按故  
攤徵等語予以東省如債與豫省病原一體因降  
旨將所有酌增各項銀二十二萬餘兩加恩寬免  
俾民力並珠鏡裕仍令該撫通曉開闢成共聞知  
使等因欽此一則寬其責回憶收收總切哀

乾隆四十九年四月初十日奉

上諭山東運河前因豫省漫水下注湖河一片障  
道臨壩俱被淹浸上年合龍河復後特降諭旨將  
東省運河官民役贖土石各工一律興修共用銀  
五十三萬九千四百餘兩今因例價不敷加用津  
貼銀五十三萬餘兩據該撫明興奏請分年捐原  
歸款毋庸按例攤徵等語向來黃運兩河間遇緊  
要工程採辦料物雇募人夫官發例價本屬優厚  
即或因物料昂貴限期稍緊一時難以取給於例

濱之外復有津貼不過加至十分之二三至多亦不過十分之五儘足敷用况運河隄岸工程尤非若豫省之堵築壩工可比加價銀兩何以較正項增至一倍恐其中不無藉端分潤之弊但朕軫念羣黎如河南江南等省一切河務關係民生者不借數千百萬帑金興工修築以期永資捍衛又何靳此數十萬津貼銀兩至官民竭蹶耶所有此次東省運河津貼銀五十三萬餘兩若按倒攤徵民力固不免拮据即地方官捐廉歸款亦恐不肖之吏有所藉口致滋派累竟加恩准其一體作正間銷以示朕惠愛黎元有加無已之至意即使工員等果有侵蝕浮開等弊將來別經發覺時必當按

律懲治所謂與其有聚斂之臣寧有盜臣自不肯  
因恐有弊端轉致恩澤不能下逮也將此通諭知  
之

御製降旨將明興等奏請捐康歸運運道工程例

外津貼銀兩並准作正開銷詩以誌事

甲辰

戶口日以滋物價自騰貴

國家承平百數十年戶口日滋順治初年民數

一千六百餘萬乾隆初年已增至一萬六千餘萬

近年乃至二萬七千餘萬是戶口增至二十倍物

價昂昂民數自繁詳是即保泰難何新官帑費前

見河北決堵口宣引災籌備和雇興民價征役弗

民運引河經韓縣等請撥直隸山東大役助工朕

以儀省助夫非便屢旨訓諭停止並令該至

次平挑夫完工隨命大學士何桂前往督辦和雇

本省民夫如期藏事然而奏銷時部原有成例增

詳見壬寅年助夫詩

價例應駁乃有捐原議堵築漫工及築便開渠部  
漫工奏銷時據該撫李世傑奏請酌增夫料價直  
張兩分年攤徵朕以爲數甚多民力不無拮据持  
俸恩旨將應行攤徵銀九百四十五萬餘兩及上  
次攤徵未完銀九十四萬餘兩著行豁免該河復  
之從修理束省運道各工據明興等奏有例價不  
較加用津貼銀五十三萬餘兩請分年捐康歸款  
以免按例吾豈肯爲斯善許官銷賜河復修運道  
較前本一事茲勘所築工堅整如鱗比田廬實可  
衛議敘酬勸勸見其一律完竣辦理妥速因降旨  
將蘭第錫何裕斌明興及江省豫籌宣洩漫水去  
路之薩我李本翰等交部議敘並令該督撫等查  
明在事出力人員一體必有所增價亦準官銷整  
從優議敘以勵勤勞  
東省運道工程創備不敷銀兩若按例攤徵因恐  
民力不給即捐康亦慮辦公竭蹶因降旨知恩准  
其一體作正開銷以示體恤但弗勞萬民忍更苦羣  
恤臣工惠愛黎元之至意  
吏一二資飯食雖有市人弊  
諸河工官役領帑辦食

在所不免但非有侵蝕人弊姑聚歛及盜臣傳語  
臣勿問亦不為已甚之意也  
吾猶記

七月二十九日奉

上諭據福康安奏甘肅中番縣屬之連城紅山並  
碾伯縣各土司地方於乾隆四十三年因災民借  
籽種口糧銀兩除歷年徵還外尚該未完銀共九  
千四百七十兩二錢零請旨豁免等語各該土民  
由土司管轄奉公調遣與邊氓無異此次逆回滋  
事該土兵等或派隨營勤賊或派防守城池無不  
奮勉出力著加恩將連城紅山並碾伯縣各土民  
前欠籽種口糧銀九千四百七十兩二錢零一併  
豁免該部知道

十一月二十一日奉

上諭本年豫省睢州下汛二堡漫口築壩挑河工程緊急前經何裕城奏請照青龍崗加價之例於司庫墊銀發給仍於里下分年攤徵還款現在豫工奏報合龍但念支料加價為數自多分年攤扣民力究恐拮据方今部帑充盈朕為捍衛民生起見從不靳惜帑金俾閭閻共慶盈寧之福從前青龍崗加價銀兩既降旨寬免此次漫工所用加價銀兩事同一例亦著加恩一體免徵該撫出示曉諭咸使聞知以副朕惠愛黎元有加無已之至意該部即遵諭行

乾隆五十二年九月初二日奉

上諭據柴大紀奏官軍在諸羅縣城外勦殺賊匪  
二日一夜官兵不暇造飯俱係城內紳耆鋪民挑  
飯送食并挑送涼水兵丁得無饑渴又據常青李  
侍堯等奏牌腹村義民運糧接濟諸羅城中各等  
語該處民人當官軍勦殺賊匪之時能各如大義  
踴躍奉公深可嘉尚自應特沛恩膏以示獎勵著  
福康安常青李侍堯即行查明首先創義之義民  
頭目一面奏聞一面酌給官職第念各該處義民  
衆多若僅將頭目給官嘉獎恩施總未普徧前曾  
降旨蠲免臺灣本年應徵錢糧著再加恩將五十  
三年分臺灣府屬應徵錢糧概行豁免並著該將  
軍等即行普貼黃俾全郡民人共知感激加倍

奮勉急公以副朕優獎義民有加無已之至意該部即遵諭行

十一月初九日奉

上諭臺灣諸羅縣自被賊匪攻擾以來柴大紀統兵堵剿該處義民隨同固守出力可嘉前經降旨將諸羅縣改為嘉義縣以昭獎勵本日又據柴大紀奏賊匪連日環攻縣城義民等無不踴躍急公捐助軍需悉力守禦人心團結尚能保護無虞等語該處縣城被賊攻圍已閱半載而民人等共知大義幫同官兵奮力保守久而益堅實堪嘉尚除節經降旨將臺灣府屬本年及五十二年應徵錢糧豁免外著再加恩將新設嘉義縣五十四年應

徵錢糧再行豁免以示朕優獎忠義有加無已之至意

乾隆五十三年正月初四日奉

上諭上年臺灣辦理軍務漳泉等府屬應付浙粵滿漢官兵及四川湖南貴州各兵兼之糧餉軍裝鉛藥等項絡繹過境差務甚繁皆用民力之處最多茲屆春祺普錫之時大功即日告竣自宜特沛殊恩以示優卹所有泉州府之晉江南安惠安同安漳州府之龍溪漳浦海澄詔安等八縣本年應徵錢糧著加恩蠲免十分之三其浦城崇安建陽建安甌寧南平古田閩縣侯官福清莆田仙遊等十二縣應徵錢糧著免十分之二福鼎霞浦福安

寧德羅源連江尤澤等七縣所有應徵錢糧著緩至五十四年春熟後徵收俾小民均霑渥澤以副朕惠愛黎元有加無已之至意該部即遵諭行

御製命蠲緩福建各府州縣錢糧詩以誌事戊申

妖寇倡狂煽海濱師征經路自於閩雖居近遠地

殊格合視重輕恩被均閩省自辦理臺灣軍務以來漳泉等府屬應付新粵

滿漢官兵及四川湖南貴州各省之兵東之糧鉤

軍裝等項絡繹過境雖輕重累殊均資民力茲大

功將次告竣自宜特沛殊恩所有泉州府屬之晉

江等四縣漳州府屬之龍溪等四縣應徵錢糧蠲

免十分之三其浦城崇安建陽建安甌寧南平古

田閩縣候官福清莆田仙遊等十二縣蠲免十分

之二至福鼎霞浦福安寧德羅源連江尤澤等七

縣應徵錢糧蠲緩至五十四年春熟後徵收俾小民

均霑渥澤固是軍儲發國帑豈無里役累貧民緩

用善為謀

徵蠲賦命疆吏屢沛渥澤猶庶苦辛上年因臺灣特

臨內地運送軍

糧津泉各郡恐致青羅節次諭令川湖江浙等省  
運米百餘萬石至閩接濟又將台州等九縣阻東  
漕船應先糧米截留於海道運閩俾積貯充盈軍  
民口食益加寬裕益念人兵經過之地雖軍馬俱  
力資深屋念沖恩不嫌過擾耳

乾隆五十四年五月初三日奉

上諭上年大兵進勦安南粵西民夫運送糧餉踴躍急公甚屬出力且前歲臺灣用兵時曾調粵兵前往而點兵赴臺時又係由粵西經過因念該處地瘠民貧連歲秋收未能豐稔恐民力不無拮据曹降旨令督撫等查明各官兵經過地方的量額緩茲據福康安等奏此次官兵及上年調赴臺灣各兵經過地方查其應付多少請分別額緩等語著照所請將應付較多之柳州潯州梧州南寧

太平五府屬五十四年應徵錢糧概予蠲免其應  
付較少之各府州屬所有本年應徵錢糧亦著緩  
徵半年俾紓民力該督撫務飭所屬妥協辦理以  
副朕軫念邊氓至意該部即遵諭行

乾隆六十年四月十一日奉

上諭昨據伍拉納哈當阿等奏臺灣賊匪陳周全  
等糾眾滋事已有旨令該提督等速往查拏茲又  
據伍拉納等奏該處漳泉廣東各村莊俱起義民  
賊匪多被擒獲餘黨紛紛竄散陳周全等於三月  
十五日攻擾民莊有義民楊仲舍許暢舍施邁舍  
金鋪觀等招集義民二千餘名假意投入賊夥與  
賊飲酒出其不意殺死賊匪百餘人將賊首陳周

全擎獲裝入木籠等語覽奏欣悅臺灣自林爽文滋事之後人知懲創乃為時未久陳周全等復敢聚眾戕官不法已極竊屬罪不容誅該處義民幫同殺賊而義民首楊仲舍等能招集多人誘獲賊首竇屬可嘉之至除楊仲舍等四人已有旨交伍拉納查明照從前義民黃真那郭廷筠等之例超擢官職優加賞賚俟事定後送部引見所有義民首及義民等查明廣東是何村莊福建是何村莊將本年應納錢糧均著該督詳查分晰住址概予寬免以示朕嘉惠善良恩施逾格至意

五月初六日奉

上諭據哈當阿奏擎獲附和賊匪首夥各犯審明

一摺內稱陳光受等聚眾滋擾時有匪犯李聰明  
糾人附和經該處義民李登元李必魁等並不袒  
護族人將該犯設法拏獲始得究出餘犯並據魁  
倫奏義民幫同官兵收復城池拏獲首逆甚為得  
力各等語此次臺灣賊匪陳周全等糾眾滋事經  
義民等招集多人誘獲賊首業經降旨將該義民  
等查明賞給官職並將本年應納錢糧概予寬免  
李登元等於誘獲李聰明等犯並不回護本族按  
名拏獲不致漏網等屬出力可嘉所有該義民等  
明年應納錢糧著加恩查明住址一體豁免至貢  
生李登元武生李必魁俱著賞給六品職銜以示  
朕獎勵良善恩施無已至意

九月十八日奉

上諭昨孫士毅奏郭爾喀軍需各款內有民間幫貼一項隨交該部查向未有此奏銷與否茲據軍機大臣查奏上次平定金川案內即有里民自行幫貼一款係為資給加價加費足回空口糧之用此項通勤郭爾喀口內口外安設漢番各站里民以募夫衝寒遠涉請照金川用夫之例情願自行幫貼等語國家百數十年以來除地丁正賦錢糧而外並無加賦役之徵即節次辦理軍務所有運過糧石軍火腳價等無一不動用正項帑金從未有一草一木派及閭閻之事必係從前辦理軍需局員濫行給與分肥需潤又慮無處開銷設有此

等名目以便浮冒派累地步若云里民情願幫貼  
即當輸供恐後何以復有民欠尤不可信朕於額  
賑及河工海塘等事所費國帑億萬從無新借即  
前此征勦金川亦不下千餘萬豈肯因此些微軍  
務任令地方官累及窮瘡之理所有此次辦理廓  
爾喀軍需項下民欠銀八十九萬餘兩即著該部  
行文孫士毅於承辦之督撫司道及局員名下攤  
貼如果不能朕加恩酌免未嘗不可毋庸再向里  
民徵收該署督接奉此旨遍貼謄黃俾家喻戶曉  
如有不肖州縣胥役仍行私自徵收者一經查出  
加倍治罪嗣後並永行禁止以示朕體卹小民竊  
寄軍需至意

孚惠全書卷十二

偏隅蠲緩一

雍正十三年九月二十四日奉

上諭照苗肆逆百姓被其擾害前已奉

皇考諭旨將今年照省錢糧通行蠲免其被賊殘  
害之州縣蠲免三年錢糧在案今朕思該省本年  
額徵米石雖無蠲免之例而被賊殘害之州縣由  
土已經拋荒漸次收業之民尚宜加恩賑恤所有  
該州縣本年應徵糧米著並予蠲免其未經被擾  
之州縣民人現在團練鄉勇保固地方並運送軍  
糧軍裝等項實屬勞苦所有本年應徵糧米著停  
止徵比以紓民力再朕聞照省州縣有豐收之處

今應徵額糧既行緩徵則該州縣米糧充裕而被  
擾地方現需米石賑恤且各省協勤官兵現需供  
支口糧著該撫即行發帑豐收州縣按照時價採  
買備用仍飭該州縣官公平收買無任胥吏抑勒  
滋擾

二十八日奉

上諭甘省百姓連年艱運軍需已蒙

皇考恩旨將本年地丁錢糧全行豁免朕聞平涼  
府所屬廳州縣並鞏昌府屬西固廳慶陽府屬環  
縣及寧夏府屬靈州之花馬池石溝等堡中衛之  
香山一帶今歲收成稍歉朕心軫念著將各該處  
本年額徵本色糧石緩至來年夏收後該督撫看

年歲光景奏聞再行徵收至於冬底明春恐此數  
收諸處有乏食之百姓著該督撫急行確查動用  
倉儲借給米糧務令餬口有資不致失所又聞固  
原環縣等處之民移就鄰村營生者著該地方官  
妥插料理至來年青黃之時該督撫尤宜留心體  
察善為撫恤毋得疎忽

十一月十二日奉

上諭聞四川巴縣江津長壽綦江涪州瀘州璧山  
合江永川九姓司几處今年雨水較少收成稍薄  
雖據該督撫等奏稱勘不成災不在蠲租之例但  
歲收既歉民間納賦未免艱難朕心深為軫念查  
各省舊欠錢糧朕已降旨通行蠲免而川省民風

淳樸歷年輸將恐後並無逋欠之項得邀豁免之恩此已縣等九處本年未完錢糧著即全行豁免以惠吾民該督撫等宜實心奉行嚴飭地方官詳查辦理勿使吏胥滋弊中飽俾閭閻得霑膏惠戶部即遵諭速行

十九日奉

上諭貴州百姓被逆苗擾害已蒙

皇考恩旨令將本年通省錢糧悉行蠲免並將被賊殘害之州縣蠲免三年錢糧在案查定例凡特恩蠲免之項其耗羨仍行徵收以為各官養廉其因水旱蠲免者其耗羨一併蠲免朕思黔民被難較之水旱尤甚況正項既蠲仍徵耗羨未必於民

全無擾累著將貴州本年應徵耗羨及被擾州縣  
三年內應徵耗羨悉行蠲免該督撫嚴飭地方有  
司毋得違例徵收其各官養廉公費著元展成於  
別項酌撥抵補

乾隆元年四月初二日奉

上諭江南阜寧鹽城等處州縣上年夏秋之間雨  
水稀少田禾歉收曾降諭旨著該督撫委員查勘  
被災情形已將阜鹽興海四州縣乏食窮民等加  
意賑恤其額徵錢糧各按災傷分數照例扣蠲至  
應徵漕糧等項復令緩至今冬帶徵朕思此等地  
方被災之後既有本年應納之糧又有上年帶徵  
之項未免新舊交催追呼兩迫輸納維艱著將阜

鹽興海四州縣雍正十三年未完緩徵漕糧一例  
豁免以紓民力再聞阜寧鹽城二縣漕米昨年末  
降諭旨之先已有按數完納者此等急公良民尤  
當加以恩澤著逐一確查將已完之數准抵今年  
應完之項俾得一體霑恩該督撫飭令該州縣實  
力奉行毋使奸胥地棍中飽滋弊

初四日奉

上諭湖南沅州與黔省壤地相接上年黔苗不法  
擾害地方居民逃避於沅州者甚衆且募夫運餉  
等事沅民出力尤多朕已加恩將該州雍正十三  
年地丁錢糧全行豁免以示優恤再查豁免錢糧  
之例若因水旱災傷豁免者將耗羨一併豁免上

年沅民受鄰省逆苗之累朕深為軫念格外加恩  
著將應徵耗羨一體豁免俾閭閻全無催科之擾  
至於官員養廉不敷之數著該撫於公用項下撥  
給

五月二十一日奉

上諭朕聞四川敘州府屬之南溪縣直隸瀘州並  
瀘屬之納谿江安合江九姓司又敘永廳並所屬  
之永寧縣地方於本年三月間偶遇風雹民間田  
苗房舍多所損傷此等被災窮黎深宜軫恤著戶  
部行文該撫即將該地方本年應徵錢糧概行蠲  
免倘有已經完納者准抵明年應納之項至從前  
未完尾欠並令緩徵俟來年再令輸納以示朕惠

養川民之意

六月二十八日奉

上諭上下兩江及江右鄉村五六月間連值陰雨山水驟漲有水淹處所前據各該撫奏報朕已批諭速行賑恤安插今據總督趙宏恩將各被水情形具摺奏朕又批令督率屬員盡心撫恤務使災黎得需實惠朕思江南江西被水鄉村雖係連陰驟漲止屬近山近水之區然被災之家俯仰無資甚可憐憫所當加意撫綏毋令少有失所其水勢旋即消退之地固可補種雜糧而低窪積水之田不能補插秧苗者更宜確加查勘酌免本年額賦至房舍量加修葺籽粒應否給助之處俱著悉

心料理以副愛養元元之意

七月初三日奉

上諭湖南沅州接壤黔省黔民被苗擾害就食於沅州者甚多且該州上年收成稍歉米價昂貴降旨將雍正十三年應徵錢糧及耗羨全行蠲免外今再沛恩膏將乾隆元年應徵額賦及耗羨銀兩全行豁免著戶部即速行文該督撫知之

初七日奉

上諭據青州總督張廣泗奏稱鎮遠思州黃平施秉餘慶青溪玉屏等府州縣於本年四月後或被水災或遭冰雹雖山溪水漲涸不待時冰雹所過僅一二里而此一帶之田畝民房多遭損傷已委

員星赴各處查勘動撥銀兩即行散賑竭力撫綏  
等語點省地方上年被逆苗之擾今鎮遠思州一  
帶又有被水淹沒處朕心深為軫念著該督張廣  
泗加意撫卹嚴飭各該地方官實力撫綏務使被  
災民人不致失所至點省應徵錢糧上年已蒙  
皇考聖恩將通省錢糧蠲免一年其被擾之處蠲  
免三年今該省又有被水處所而通省民人辦運  
軍需等項未免生計維艱著再加恩將乾隆元年  
分通省應徵錢糧米石耗羨概予蠲免該督張廣  
泗即通行曉諭咸使聞知再點省自上年軍興以  
來先後已撥解帑金二百萬兩雖現今軍務漸竣  
而善後事宜及目前賑恤尚在需費即使已經數

用而該省藩庫亦應富餘儲蓄以備緩急之需該部再撥銀六十萬兩解送賑者毋得遲緩

八月十八日本

上諭本年四月間河南永城縣潘家道口地方黃河水發陡岸清決民間田禾廬舍被水淹浸朕心軫念切諭巡撫布政使加意賑恤務令貧民得所並會同江南總督總河悉心妥議俾疏通下流以永除永城之水患其永邑被水應免之錢糧著巡撫布政使確查具奏今據徐士林摺奏永城縣被淹田畝共一千一百一十三頃六十六畝春麥秋禾俱未耕穫朕思一歲之中春麥既未收成秋禾又未補種小民生計艱難國賦何從輸納目今正

值開徵之時著將應徵之地丁漕糧悉行豁免該撫等即出示通行曉諭並督率有司實力奉行毋使奸胥土棍借端舞弊

九月十五日奉

上諭雍正十三年涼州所屬廳州縣並鞏昌府屬西固廳慶陽府屬環縣及寧夏府屬靈州之花馬池石溝等堡中衛之香山一帶收成稍歉比時朕即降旨令該督撫加意軫恤並將各該處額徵本色糧石緩至次年夏收後看年成光景奏聞再行徵收今據該督撫奏報各處收成有六七分者亦有八九分者朕思此等地方上年收成歉薄今雖收穫民力未必寬餘若新舊並徵小民不無窘迫

著將緩徵本色糧石自本年為始分作五年帶徵  
還項以示朕加惠養民之至意

十月初八日奉

上諭朕聞今年伏秋之際浙省雨水連綿仁和安  
吉德清武康四州縣內低窪田畝積水未經涸出  
不能栽種秋禾以致西成失望所有應徵地丁錢  
糧已經該督照例題請蠲免其漕白南米向來雖  
無蠲免之例朕念彼此收成較薄民力輸納維艱  
著將仁和等四州縣實在被水各戶本年應徵漕  
白南米亦照地丁之例格外加恩豁免以示朕愛  
養黎元之至意

十七日奉

上諭據劉於義奏稱寧夏府屬之新渠寶豐二縣從前招徠戶口多係無業窮民其雍正十一年額賦胥由奉文遲緩與十二年同時並徵以致進行拖欠今十二年以前民欠錢糧已荷聖恩全行豁免而十二年未完糧石尚復盈千累萬若責令於今歲照例並徵勢不能如數交納可否仰懇聖恩將雍正十三年民欠糧數分作五年帶徵等語寧夏府屬之新寶二縣雍正十三年分民欠錢糧原係本年應徵之項但從前之拖欠既屬有因若令一時並徵民力未免艱苦著於乾隆元年為始將兩縣民欠糧數分作五年帶徵該部知道

二十四日奉

上諭朕聞山東各府今歲秋收俱稱豐稔惟武定府屬之樂陵縣及濟南府屬之德平縣有低窪被淹之鄉村若就通縣地畝而論均不及十分之一膏木成災但被水之後補種秋禾收成未免減少所有本年應納錢糧或有難於措辦者著該撫轉飭有司將此二縣窪地數收之戶應納錢糧若干確實查明緩至明年麥秋徵收以紓民力至於麥春青黃不接之時若有實在乏食窮民並令有司動支社倉穀石按戶借給以資接濟毋令失所

十一月初七日奉

上諭據雲貴總督尹繼善奏稱雲南曲靖江臨安楚雄姚安廣西昭通等府所屬州縣內有裁插

稍遲之地禾稻正在揚花忽遇冷雨多不結實止  
有五六分收成其中呈貢昆陽安寧恩安魯甸數  
處收成則在四分以上除委員確勘實在成災者  
即行具題將應免地丁等項照例請免查秋米一  
項舊例不在豁免之內已今所屬暫緩徵收謹此  
奏聞等語滇省遠在天南舟車不通民每艱於謀  
食今聞本年栽種稍遲州縣內有收成歉薄之處  
朕心深為軫念其成災地方自應將應免地丁等  
項照例豁免至於秋米一項雖無豁免之例第恐  
閭閻力薄輸納維艱著將收成六分以下之州縣  
所有本年應收秋米全行緩徵從乾隆二年為始  
分作三年帶徵以紓民力凡此數收之處窮民必

至乏食其應賑恤者即行動項賑恤務使咸得其  
所其應平糶者即將存倉米穀減價平糶或將隣  
近倉儲設法撥運以資接濟至無力之民則借給  
籽種以助未歲春耕若倡內所開州縣之外尚有  
似此歉收之處亦照此一體辦理毋得忽視著該  
部速行傳諭該督撫知之

十二日本

上諭據陝西署督劉於義奏稱寧夏府屬之寧夏  
新渠寶豐等縣今夏雨水甚多黃河泛漲以致衝  
決堤岸淹浸民田臣已動支社倉公用銀糧加意  
賑恤念此被災民人今冬明春口糧或有缺乏准  
布政使詳議寧夏縣之何忠堡新渠縣之通吉通

義通昶清水等堡被災偏重的借六個月口糧寧  
夏縣之王鎡堡及寶豐縣之紅崗永潤等堡被災  
較輕酌借三個月口糧俟來年收成之後催徵還  
項等語朕子惠元元一夫不獲實如己溺己飢而  
於甘肅民人歷年奉公尤深軫念茲覽劉於義奏  
報寧夏被水等堡秋成歉薄民食艱難所當加意  
撫綏者著將各該處額徵糧石確查豁免其所有  
六個月三個月口糧俱准抵作賑給之項免其未  
歲交還該督撫可出示通行曉諭並飭有司實力  
奉行務令小民均霑實惠

乾隆二年四月十八日奉

上諭今年春夏以來京師及畿輔雨澤稀少而山

東地方亦有缺雨之郡縣朕已屢降諭旨多方籌畫以為先事之備今思節近小滿甘霖未降麥秋料已失望民心未免惶懼除已經降旨緩徵外著將直隸通省今年應徵地丁錢糧蠲免七十萬兩山東通省今年應徵地丁錢糧蠲免一百萬兩俾民力寬舒民氣愉暢如將來仰蒙

天佑霖雨普施秋成不致歉薄則閭閻需朕格外之恩亦加惠元元之誼所謂百姓足君孰與不足者也嗣後如得雨霪遲有妨農事則應行賑恤等事仍應加意辦理毋使一夫失所該督撫當仰體朕宵旰焦勞惠養庶黎之心督率有司敬謹奉行務使小民均霑膏惠並出示通行曉諭知之

十九日奉

上諭上年滇省州縣有收成歉薄之處前已降旨將成災地方應徵地丁等項照例豁免應收秋禾從乾隆二年為始分作三年帶徵今雖據雲南督撫奏報今春雨暘時若可望豐收但朕思滇省百姓既有帶徵之秋禾又有應納之正供昨歲歉收之後輸納未免艱難朕心深為軫念著將乾隆元年分雲南省所有分作三年帶徵之秋糧全行豁免該督撫等即通行曉諭仍嚴飭州縣實力奉行務使閭閻均霑膏惠

七月十三日奉

上諭前因黔苗不法擾害地方居民困苦朕心深

為不忍已疊降諭旨多方賑恤務令窮民復業各  
遂其生曾據元展成議奏被害復業之民一切行  
種牛具既已無存請每戶借給銀五兩以為置備  
之費此項銀兩應作五年繳還等語旋經部議交  
與督臣張廣泗等會同妥議具奏續據張廣泗等  
議稱借給銀兩應分別水田山田按畝借給二錢  
一錢不等其交還之期應分作十分每年秋收時  
完納二分則民力寬紓等語朕思黔民所借籽種  
牛具銀兩雖在朕加恩之外例應照數繳還但念  
小民被擾流離今甫經復業正宜加意撫綏使之  
休息於隴畝共受格外之恩所有借給籽種牛具  
銀兩若有已經交官者難以退還其未經交官者

悉行肯給以為耕作資本不必催徵還項該督張  
廣泗可宣朕此旨通行曉諭咸使聞知並董率有  
司實力奉行務使黔民均霑膏惠

三十日奉

上諭竊免錢糧所以紓民力而惠黎元或偏災偶  
見尤宜亟加寬恤故周禮荒政以薄徵為先乃不  
肖州縣一聞蠲免恩旨往往於部文未到之前差  
役四出晝夜催比違呼之擾吏甚平時違詔旨到  
日百姓已完納過半朝廷有賜復之恩而閭閻不  
得實被其澤甚至官吏分肥侵漁中飽情弊種種  
深可痛心哉

皇考世宗憲皇帝洞悉其弊雍正十一年八月內

蠲免甘肅地丁銀兩奉

旨將已完在官之項准抵明年正課此誠萬世之良規所當遵奉者嗣後凡有蠲免俱以奉旨之日為始其奉旨之後部文未到之前有已輸在官者准其作次年正賦永著為令如官吏朦混隱匿即照侵盜錢糧律治罪

九月初六日奉

上諭江南淮揚一帶於今冬大挑運河自運口以至瓜洲計程三百餘里分隸淮安府之山陽揚州府之寶應高郵甘泉江都五州縣管轄將來築壩開工之後舟楫難通民間輸納漕糧須用車驢陸運未免竭蹶又淮安府之鹽城阜寧二縣與山陽

接壤向於淮城内外支倉免運則納漕與山陽等  
五州縣無異朕心為深切軫念查雍正八年及十  
一年江南所屬漕糧有改徵折色每石納銀一兩  
之例著將今歲山陽等七州縣應納漕糧照此例  
改徵折色以紓小民運送之力再查此七州縣有  
上年緩徵漕糧二萬餘石原議於今年完納今河  
道如此亦應一體加恩著寬至明年再行酌量或  
徵本色或徵折色看收成光景定議交官著該部  
遵諭速行江南督撫等知之

二十八日奉

上諭聞福建閩縣侯官長樂福清連江羅源等六  
縣於八月十五夜颶風為患廬舍舟船多有傷損

已諭令該督撫率同有司妥插賑恤務使兵民得  
所今思此六縣民人從前曾經被水今又被風各  
為繕葺家室之計未免拮据其本年未完額徵錢  
糧輸將竭蹶者該督撫轉飭該縣暫緩催徵看地  
方收成情形應於何時徵收再令民間完納該部  
可遵諭速行

閏九月初九日奉

上諭朕因豫省臨河州縣於夏秋之交雨多水溢  
有淹沒田禾之處諭令該撫悉心查勘撫綏安插  
今據尹會一摺奏今秋被水各邑係一隅偏災其  
未淹地畝仍有七八分收成惟西華濬縣臨潁鄆  
城四縣被水稍寬已確查貧苦民人按戶賑濟三

個月並將本年地丁錢糧照例奏請豁免其永城  
汲縣淇縣新鄉延津淮寧項城扶溝等八縣被淹  
地畝零星間錯本屬無多勘明俱不成災但地畝  
收成未免稍減請將本年錢糧暫行緩徵至來年  
徵收等語尹會一此奉已交該部建議具奏朕思  
西華等縣被水既寬除應免之錢糧照例豁免外  
其餘應納之數尚在催科之內民力未免艱難著  
將本年額賦緩至明年春熟後再行徵收以紓民  
力至永城等八縣雖勘俱不成災但彼地既有被  
水之鄉村其中必有乏食之貧民著該撫委員確  
查將不能餬口者於冬末春初賑濟兩個月務令  
均霑實惠毋使一夫失所此朕格外之恩至尹會

一所奏該部仍照例速行議覆

十八日奉

上諭浙江今歲收成頗稱豐稔惟溫台二府屬有  
濱海被水之縣邑穀價未免昂貴已據大學士德  
曹筠等悉心籌畫動撥省城義倉米穀運往二郡  
分貯以備將來平糶之用朕思溫台所屬既有被  
水之處除高年田禾豐收者自應照常徵收錢糧  
外其窪地薄收之田畝雖不至於成災而貧民力  
量不足若令依限完糧未免輸將竭蹶著大學士  
德曹筠轉飭有司將薄收之處詳細查明分別緩  
徵以恤民隱該部即遵諭行

乾隆三年二月十二日奉

上諭上年直隸等省有收成數薄之州縣冬春以  
來雨雪又覺短少惟山東奏報得雨似可足用其  
餘則尚未霑足朕心甚為憂慮當此青黃不接之  
時東作方興之候正宜急為籌畫以恤民艱已諭  
令各該督撫因地制宜或減價平糶或借貸倉糧  
凡有利益民生者即速定議舉行毋庸忽視今思  
仲春之月即定例開徵錢糧之時若有司遵例催  
科在有力之家尚可勉強輸將而貧乏之家實為  
艱窘深可憫念著直隸等省督撫將去歲數收之  
州縣一一確查所有現在應完錢糧暫停徵收俟  
麥秋時酌看收成情形再行奏聞歸併秋季錢糧  
項下帶徵完納如此則地方無追呼之擾民力可

以寬紓農功不致有曠該部可遵諭速行

五月十五日奉

上諭各省地方偶有水旱朕查蠲免錢糧舊例被旱十分者免錢糧十分之三八分七分者免十分之二六分者免十分之一雍正年間我

皇考特降諭旨凡被災十分者免錢糧十分之七九分者免十分之六八分者免十分之四七分者免十分之二六分者免十分之一竇愛養黎元軫恤民隱之至意也朕思田禾被災五分則收成僅得其半輸將國賦未免艱難所當推廣

皇仁使被災較輕之地畝亦得均霑恩澤者嗣後著將被災五分之處亦准報災地方官查勘明確

額免錢糧十分之一永著為例

七月初三日奉

上諭聞得下江地方五月內天時亢旱六月內雖經得雨尚未普徧需足望澤甚殷如此情形那蘇圖等何以不行奏報著該部即速傳諭那蘇圖等速委賢員察看民間情形應如何緩徵賑恤之處速行妥議一面辦理一面奏聞

十七日奉

上諭江南地方今年五月雨澤短少六月雖經得雨未能霑足朕心甚為憂慮已屢降諭旨令該督撫豫為籌畫悉心經理今思冬月即徵此錢糧之期田畝既苦歉收則官糧難以輸納著該督撫出

示暫停徵收將是否成災分數逐一確查其成災者自應照例題請豁免即不成災者收成既薄需米孔殷亦應照雍正十二年之例每米一石折銀一兩徵收計算此時米價在小民辦納已省一半之費而地方多留米穀於民食又大有裨益該部可即速行文諭江南督撫知之

八月初七日奉

上諭朕聞陝西所屬郡縣今年六七月間有缺雨之處地方有司現在祈禱未審何時得霽甘霖朕心深為廕念該督撫可豫為籌畫悉心經理其應行蠲徵之州縣一面出示緩徵一面奏聞向來陝省米糧不足往往取資於豫省著兩省督撫就近

商酌將如何轉運接濟以爲先事之備即行妥議具奏該部可即行文陝豫二省督撫知之

初四日奉

上諭江南下江地方五六月間雨澤短少及至得雨已在立秋之後且淮安所屬蝗蝻爲害田禾亦不免被傷朕心憂慮已屢降諭旨令該督撫悉心區畫豫籌民食並將額徵漕糧暫停徵收查明是否成災或應蠲免或改折色分別辦理今思江南戶口繁庶需米甚多此番被旱歉收之處似廣閭閻必甚艱難著該督撫查明成災地畝將應徵漕糧照條銀之例按其分數悉予蠲免其被災分數之外仍有應徵漕米者緩至次年冬熟後改徵折

色如此則各屬多留米穀而民力無事輸將於他  
方自有裨益至於查賑之方在於無遺無漏所有  
極貧之戶口應於冬初先行賑濟其次則俟更冬  
又次則待明春青黃不接之候總在該督撫以寄  
心督政督率有司視百姓之飢寒如己身之疾苦  
多方計議殫力圖維俾乏食之衆盡得安全不至  
流移失所此則封疆大吏之責無容旁貸者倘經  
理不善將來責有攸歸聞上江亦有缺雨歉收之  
處可酌量照此辦理該部遵諭速行

初八日奉

上諭各省緩徵錢糧例於下年帶徵以完國課朕  
思年穀荒歉有分數多寡不同若本年被災尚輕

次年幸值豐收則完納帶徵之項尚不至於竭力  
若本年被災較重則民間元氣已虧次年即遇豐  
收小民既完本年應輸錢糧又欲完從前帶徵之  
項力量豈能有餘必至竭蹶從事朕念切養民間  
閭生計日籌於懷今思慮及此其如何酌量變通  
著為定例惠濟斯民之處凡御定議具奏

九月初六日奉

上諭今年江南地方雨澤愆期田禾被旱朕已多  
方籌畫諭旨屢頒該督撫自仰體朕心竭力經理  
今朕聞得下江地方凡屬高阜之處受傷最多而  
平土低窪之區收成尚好朕思此等有收之田畝  
在未經得雨以前小民併力車戽工本倍於往日

勞費加於平時亦當酌量加恩以示撫恤用是再  
頒諭旨除被災州縣衛本年漕糧查明分數蠲免  
停徵外其成熟地畝亦著分別折徵蘇州府屬三  
處折徵十分之三江常鎮淮揚通海七府州屬四  
十三處折徵十分之五如此則早苦有收之民亦  
邀國家格外恩澤而該省又可多存米糧以濟閭  
閻之匱乏於數年大有裨益該部可遵諭速行

十二日奉

上諭今年山西全省地方二冬豐收秋禾亦稔惟  
永濟保德二縣及河曲一縣冬秋稍覺歉薄今西  
成之後民力漸舒但查此三州縣有上年停徵之  
錢糧應於今冬完納者朕念一季之中新舊兼輸

卷十二

閏閏必致竭蹶著將停徵之項緩至明年春夏二季帶徵完納以示朕格外加恩之至意

平惠全書卷十二